



Broj, 01-07-10-51-173/2024
Sarajevo, 23.07.2024. godine

Na osnovu člana 25. stav (1) u vezi sa članom 26. stav (4) Zakona o slobodi pristupa informacijama na nivou institucija Bosne i Hercegovine ("Službeni glasnik BiH", br. 61/23) i člana 5. Pravilnika o postupanju po zahtjevu za pristup informacijama Visokog sudskog i tužilačkog vijeća Bosne i Hercegovine br. 08-02-3075/2010 od 02.09.2010. godine, 08-02-3645/2013 od 24.09.2013. godine, 08-02-388-1/2014 od 22.01.2014. godine i 08-07-2-3459/2021 od 29.09.2021. godine, rješavajući po zahtjevu za pristup informacijama Semira Čejvanovića, [REDACTED], od 16.07.2024. godine, predsjednik Visokog sudskog i tužilačkog vijeća Bosne i Hercegovine donosi

RJEŠENJE

Odobrava se pristup informacijama o načinu postupanja po pritužbama poslanim Visokom sudskom i tužilačkom vijeću Bosne i Hercegovine.

Obrazloženje

Visoko sudsko i tužilačko vijeće Bosne i Hercegovine (u daljem tekstu: VSTV BiH/Vijeće) je 16.07.2024. godine zaprimilo zahtjev Semira Čejvanovića, [REDACTED] (u daljem tekstu: podnositelj zahtjeva) za pristup informacijama u vezi sa njegovom pritužbama na rad suda koji je donio presudu u predmetu protiv podnositelja zahtjeva.

Razmatrajući predmetni zahtjev, u skladu s nadležnostima VSTV-a BiH, utvrđeno je da Ured disciplinskog tužioca VSTV BiH (Ured) posjeduje podatke navedene u izreci ovog rješenja, te da omogućavanje pristupa istim nije protivno odredbama Zakona o slobodi pristupa informacijama na nivou institucija Bosne i Hercegovine ("Službeni glasnik BiH" 61/23; dalje u tekstu: Zakon).

Uvidom u službenu evidenciju, utvrđeno je da je Ured 19.02.2024. godine primio pritužbu podnositelja zahtjeva i da je, nakon provedene prethodne provjere, utvrđeno da se pritužba ne odnosi na ponašanje ili postupanje koje predstavlja disciplinski prekršaj, te je pritužba, osnovom člana 82. stav (1) tačka b) Poslovnika Vijeća, 20.03.2024. godine odbačena kao neosnovana o čemu je podnositelj zahtjeva uredno obavješten.

Ured je 16.07.2024. godine ponovo obavijestio podnositelja zahtjeva o navedenim činjenicama, kao i o tome da dopisi podnositelja zahtjeva zaprimljeni 27.03.2024. godine, 18.04.2024. godine, 07.05.2024. godine i 15.05.2024. godine, nisu sadržavali nove navode koji već nisu bili razmotreni, što je razlog da nisu ponovo cijenjeni od strane Ureda.